

## VI

Ah ! ptét prïnce, i aî compris, pô è pô, dïnche, tai ptéte vie grietouse (*mélancolique*). Te n 'aivôs aivu bïn grant (*longtemps*) po dichtraîchion que lai douçou des meûcies di sraye (*couchers de soleil*). I aî aippris ci nové détaïye, lo quaitrieme djoué â maitin, tiaind qu' te m' és dit :

- I ainme bïn les meûcies di sraye. Allans voûr ïn meûcie di sraye...
- Mains è fât aittendre...
- Aittendre quoi ?
- Aittendre qu' lo sraye se coutcheuche.

Dvaint (*d'abord*) t' és t'aivu l' air brâment churpris, èt peus t' és riè de toi-meinme. Èt te m' és dit :

- I m' crais aidé en l' hôtâ !

En éffiet. Tiaind qu' èl ât médi és Échtats-Yunis, lo sraye, tot l' monde lo saît, se coutche tchu lai Fraince. È seûffrirait d' poéyait alliae en Fraince en èinne minute po aichichtaie â meûcie di sraye.

Mâlhèy'rougement lai Fraince ât bïn trop éloingnie. Mains, tchu tai chi ptéte piaînnatte, è t' seûfffjait de tirie tai selle de dous trâs pâs. Èt te raivoétôs lai roûneût (*crépuscule*) tyétye cô que t' lo vlôs...

- Ïn djoué, i aî vu lo sraye se coutchie quairante-trâs côs !

Èt ïn pô pus taîd t 'ajdjoutôs :

- Te saîs... tiaind qu' an ât taint trichte an ainme bïn les meûcies di sraye...
- Lo djoué des quairante-trâs côs t' étôs dâli chi trichte ? Mains lo ptét prïnce ne réponjé pe.